

KODAK
LICENSED PRODUCT

M
U
O

KODAK Gray Scale

A 1 2 3 4 5 6 M 8 9 10 11 12 13 14 15 B 17 18 19



巢氏

病源候論

世六之四十一

獸毒 四論 蛇毒 五論 雜毒 十四論 金瘡 二十三
 腕傷 九論 婦人雜病 三十二論 婦人雜病 十九論
 婦人雜病 四十論 婦人雜病 四十五論

武
136
8



門中武
136
8



卷之三十一

○獸毒病諸候

凡四論

馬鬣踰人候

馬毒入瘡候

獬狗鬣候

狗鬣重發候

○蛇毒病諸候

凡五論

蛇螫候

蝮蛇螫候

虺螫候

青蛙蛇螫候

蝮毒候

○雜毒病諸候

凡十四論

蜂螫候

蠍螫候

兩原卷三十一

目錄一

蠱螫候

蜈蚣螫候

蜘蛛著人候

石蛭螫人候

蠶鬣候

井鼠鬣候

諸魚傷人候

惡蠅鬣候（幽房中切）

狐尿刺候

蛇蟲螫候

蠼螋尿候

入井塚墓毒氣候

○金瘡病諸候

凡二十三論

金瘡初傷候

金瘡血不止候

金瘡內漏候

毒箭所傷候

金瘡腸出候

金瘡腸斷候

金瘡筋急相引痛不得屈伸候

金瘡傷筋斷骨候

箭鏃全刃入肉骨不出候

金瘡中風瘕候

金瘡驚腫候

金瘡因交接血驚出候

金瘡驚悸候

金瘡頰候

金瘡欬候

金瘡渴候

金瘡蟲出候

金瘡著風候

金瘡著風腫候

金瘡成癰腫候

金瘡中風水候

金瘡下血虛竭候

金瘡久不瘥候

○脫備病諸候

凡九論

被打頭破腦出候

腕折破骨傷筋候

卒被損瘀血候

壓延墜墮內損候(逐音責)

腕傷初繫縛候

被損支瘀血候

腕折中風痙候

腕折中風腫候

刺傷中風水候

重刊巢氏諸病源候總論卷之三十一

獸毒病諸候

凡四論

馬踏人候

凡人被馬踏及馬骨所傷刺并馬韁絆

勒所傷皆為毒瘡若腫痛致煩悶是毒入腹亦斃人

馬毒入瘡候

凡人先有瘡而乘馬汗并馬毛垢及馬屎

尿及坐馬皮韁並能有毒毒氣入瘡致爛腫疼痛煩熱

毒入腹亦斃人

獬狗咬候

凡獬狗咬人七日輒一發過二七日不發則

無害也要過百日方大免耳當終身禁食大肉及蠶蛹

食此發則死不可救矣瘡未愈之間禁食生魚猪雞臙

過一年禁之乃佳但於飲下飯蒸魚及於肥器中便發

若人曾食落葵得天噬者自難治若瘡瘻十數年後食

落葵便發

狗咬重發候 凡被狗咬瘡，忌食落葵及狗肉。云雖瘡經一二年，但食此者必重發。重發者與初被咬不殊。其狗咬瘡重發，則令人狂亂，如癩狗之狀。

蛇毒病諸候

凡五論

蛇螫候 凡中蛇不應言蛇，皆言蟲。及云地索，勿正言其名也。惡蛇之類甚多，而毒有瘳劇時。四月、五月、中青蛙、三角蒼龜、白頸大蟻、六月、七月、中竹將艾蝮、黑甲赤白黃口及鈎、白蛙、三角此皆蛇毒之猛者。中人不即治，多死。又有赤連黃領之類，復有六七種而方不盡。記其名水中黑色者，名公蠟。山中一種亦相似，不常聞。螫人又有鈎蛇，尾如鈎，能倒牽人獸入水，沒而食之。又南方有

咬蛇人忽傷之，不死終身伺覓其主，不置。雖百人衆中亦直來取之，惟遠夫出百里乃免耳。又有蛇長七八尺如船拖狀，毒人必死。即取船拖者，其汁漬之便瘳。但蛇倒雖多，今皆以青條矯尾白頸艾蝮，其毒尤劇。大者中人不即治，一日間舉體赤腫，皮肉圻爛，中者尚可，得二三日也。凡被蛇螫，第一禁第一藥無此二者。有全劑雄黃麝香可預辨，故山居者宜冷，知禁法也。又惡蛇螫者人即頭解散言此蛇名黑帝，其瘳冷如凍凌。此太毒惡不治，一日即死。若頭不散，此蛇名赤帝，其毒小，輕瘳上冷不治，故得七日死。凡蛇瘳未愈，禁熱食，熱食便發治之，依初被螫法也。

蝮蛇螫候 凡蝮中人不治，一日死。若不早治之，縱不死

者多殘斷人手足蝮蛇形乃長頭扁口尖頸斑身亦艾
班色青黑入犯之頸腹帖著地者是也江東諸山其
其毒最烈草行不可不慎又有二種狀如蝮而短有四
脚能跳來嚙人名曰千歲蝮中人必死然其嚙人竟即
跳上樹作聲云初木者但管棺具不可救若云擗救者
猶可治吳音呼藥為救故也

蝮螫候

虺形短而扁身亦青黑色山草自不甚多每六

七月中夕時出路上喜入車轆中令車轆破而子出
人侵晨及冒昏行者每傾意看之其螫人亦往往有死者
青蛙蛇螫候青蛙蛇者正綠色喜綠樹及竹上自掛與
竹樹色一種人看不覺若入林中行有落人項背上者
然自不甚嚙人嚙人必死此蛇無正形極大者不過四

五寸世人皆呼為青條蛇言其與枝條同色乍看難覺
其尾一二寸色黑者名蝮尾毒最猛烈中人立死

蝮毒候此是諸毒蛇夏日毒盛不泄皆齧草木及吐毒
著草木上人誤犯著此者其毒如被蛇螫不殊但瘡腫
上有物如蟲蛇眼狀以此別之名為蝮毒

雜毒病諸候

凡十四論

蜂螫候蜂類甚多而方家不具顯其名唯地中太土蜂
最有毒一螫中人便即倒悶舉體洪腫諸藥治之皆不
能卒止舊方都無其法雖然不肯殺人而禁術封唾亦
微效又有瓢瓢蜂抑亦其次餘者猶瘥

蠍螫候此虫五月六月毒最盛云有八節九節者殊甚
螫人毒勢流行多至牽引四支皆過一周時始定

蠱螫候 陶隱居云蠱虫方家亦不能的辯正云是蠃蟪子或云是小鳥虫尾有兩歧者然皆恐非也疑即是蠃蠃尾歧而曲上故周詩云彼都人士拳髮如蠱

蜈蚣螫候 此則百足虫也雖復有毒而不甚螫人人誤觸之者時有中其毒

蜈蚣著人候 江東及嶺南無處不有蜈蚣蜈蚣乃是兩種物蜈蚣者在草裏名為山蜈在水裏名為馬蜈皆長四五寸許黑色身滑人行涉山水即著人肉不甚痛而痒兩頭皆能嚼人血血滿腹便自脫地無甚毒害蜈蚣者無小背作文理粗澁多著龜螺殼上若著人肉即於肉裏生子乃至十數枚經日便腫痒隱軫起久久亦成瘡癩

石蛭螫人候 山中草木及路上石上石蛭著人則穿啣

肌皮行人肉中浸淫起瘡灸斷其道則愈凡行山草之中常以膏和鹽塗足脛則蛭不得著人

蠶嚙候 蠶既是人養之物性非毒害之虫然時有嚙人者乃令人增寒壯熱經時不瘥亦有因此而致斃斯乃一時之怪異救解之方愈

甘鼠嚙候 此即鼯鼠也形小而口尖多食傷牛馬不甚痛云其口甜故名甘鼠時有嚙人者

諸魚傷人候 魚類甚多其鱖鮠鯪鮓之徒鬚骨芒刺有毒傷人則腫痛

惡蠅齧候 惡蠅一名滿大如毒蟬似蝗無尾前角觸後則傍後觸前則却行生於樹皮內及屋壁間又喜在紙書內圓似榆莢其色赤黑背橫理二月生十月螫

螫人唯以三時五月六月七月尤毒初如胞狀中央紫黑大如粟粒四傍微腫焮々色赤或有青色者痒喜搔之若飲酒房室近不週八九日遠不週十餘日爛潰為膿汁亦殺人

狐尿刺候云是野狐尿棘刺頭有人犯之者則多中於人手指足指腫痛焮熱有端居不出而著此毒者則不

必是狐尿刺也

蓋惡毒氣耳故方亦云惡刺毒者也

蛙蟲螫候

此則樹上蛙虫耳以其毛刺能螫人故名蛙虫此毒蓋輕不至深斃然亦甚痛螫處作軫起者是也

蠅螫尿候

蠅螫云能尿人影即令所尿之處慘痛如

芒刺亦如蛙虫所螫然後起細瘡瘰作聚如茱萸子狀其瘡瘰徧赤中央有白膿如粟粒亦令人皮肉拘急惡

寒壯熱極者連起多著腰脅及臂若繞腰匝徧者重也入井塚墓毒氣候凡古井塚及深坑穿中多有毒氣不可輒入五月六月間最甚以其鬱氣盛故也若事輒必須入者先下雞鴨毛試之若毛旋轉不下即是有毒便不可入

金瘡病諸候

凡二十三論

金瘡初傷候

夫被金刃所傷其瘡多有變動若按瘡邊

乾急肌肉不生青黃汁出瘡邊寒清肉消臭敗前出赤血後出黑血如熟爛骨及血出不止白汁隨出如是者多凶若中絡脉解內陰股天聰眉角橫斷腓腸乳上及與鳩尾攢毛小腹尿管從瘡出氣如賁豚及腦出諸瘡如是者多凶少愈診金瘡血出太多其脉虛細者生數實

大者死小者生浮大者死所傷在陽處者去血四五斗
脉微緩而遲者生急疾者死

金瘡血不止候 金瘡血出不断其脉大而止者二七日
死金瘡血出不可止前赤後黑或黃或白肌肉腐臭寒
冷鞞急者其瘡難愈亦死

金瘡內漏候 凡金瘡通內血多內漏若腹脹滿兩脇脹
不能食者死瘀血在內腹脹脉牢大者生沈細者死

毒箭所傷候 夫被弓弩所傷若箭鏃有商藥入入皮肤
令人短氣須臾命絕口噤唇乾血為漸絕腹滿不言其
人如醉未死之間為不可治若宋衛青瘀血應時出瘡
邊溫熱口開能言其人乃活毒箭有三種嶺南夷俚用
焦銅作箭鏃次嶺北諸處以蛇虫毒熬物著管中漬箭

鏃此二種纔傷皮便洪腫沸爛而死唯射猪犬雖困得
活以其噉糞故也人若中之便即食糞或飲糞汁并塗
瘡即愈不尔須臾不可復救箭箭著寬處者雖困漸治
不必死若近胃腸便宜速治小緩毒入內則不可救

金瘡腸出候 此謂為矛箭所傷若中於腹則氣激氣激
則腸隨瘡孔出也

金瘡腸斷候 夫金瘡腸斷者視病深淺各有死生腸一
頭見者不可連也若腹痛短氣不得飲食者大腸一日
半死小腸三日死腸兩頭見者可連續之先以針縷如
法連續斷腸便取雞血塗其際勿令氣泄即推內之腸
但出不断者當作大麥粥取其汁持洗腸以水漬內之
當作研米粥飲之二十餘日稍作強糜食之百日後乃

可選飲耳飽食者令人腸痛火漏常服錢屑散若腸腹
出如手其下牢核煩滿短氣發作有時不過三日必死
繫絕其血脉當令一宿乃可截之勿閉其口膏精道之
金瘡筋急相引痛不得屈伸候夫金瘡愈已後肌肉充
滿不得屈伸者此由傷絕經筋榮衝不得循行也其瘡
雖愈筋急不得屈伸也

金瘡傷筋斷骨候夫金瘡始傷之時半傷其筋榮衝不
通其瘡雖愈合後仍令痺不仁也若被瘡截斷諸解身
軀肘中及腕膝髀若踝際亦可連續須急及熱其血氣
未寒碎骨便更縫連其愈後直不屈伸若碎骨不去令

人痛煩膿血不絕不絕者不得安諸中傷人神一死一生

箭鏃金刃入肉及骨不出候箭鏃金刃中骨骨破碎者
須令箭鏃出仍應除碎骨盡乃傳藥不尔瘡永不合縱
合常疼痛若更犯觸損傷便驚血沸漬有死者

金瘡中風瘞候夫金瘡瘞者此由血脉虛竭飲食未復
未滿月日榮衛傷穿風氣得入五藏受寒則瘞其狀口
急背直搖頭馬鳴腰為反折須臾十發氣息如絕汗出
如雨不及時救者皆死凡金瘡卒無汗者中風也遍白
出黃汁者中水也並欲作瘞急治之又痛不在瘡處者
傷經絡亦死

金瘡驚腫候夫金瘡愈閉後忽驚腫動起糜沸跳大者
如孟小者如孟名為盜血此由肌未定裏不滿因作瘞

起早故令盜血涌出在人皮中不肯自消亦不成膿反
牢核又有加血加血者盜血之滿也其血凝深不可妄
破破之者盜血前出不可禁止加血追之出即滿瘡中
便留止令人短氣須臾命絕

金瘡因交接血驚出候 夫金瘡多傷經絡去血損氣其
瘡未瘥則血氣尚虛若因而房室致情意感動陰陽發
泄驚觸於瘡故血汁重出

金瘡驚悸候 金瘡失血多者必驚悸以其損於心故也
心主血血虛則心守不安心守不安則喜驚悸悸者心
動也

金瘡煩候 金瘡損傷血氣經絡空虛則生熱熱則煩痛
不安也

金瘡欬候 金瘡傷血損氣氣者肺之府至風邪中於肺
故欬也

金瘡渴候 夫金瘡失血則經絡空竭津液不足腎臟虛
燥故渴也

金瘡蟲出候 夫金瘡久不瘥及裹縛不如法瘡內敗壞
故生蟲也

金瘡著風候 夫金瘡乾無汁亦不大腫者中風也寒氣
得大深者至藏便發作瘡多凶少愈中水者則腫多汁
或成膿

金瘡著風腫候 此由瘡著於風風氣相搏故腫也

金瘡成癰腫候 夫金瘡冬月之時衣厚絮溫故畏欲薄
夏月之時衣單日涼故畏欲厚重寒傷榮重熱傷衛筋

勞結急肉旁驚腫骨旁者沸難可屈伸血脉旁者變化
作膿榮衛不通留結成癰凡始縫其瘡各有縱橫雞舌
隔角橫不相當縫亦有法當次陰陽上下順逆急緩相
望陽者附陰陰者附陽腠理皮脈復令復常但亦不曉
略作一行陰陽閉塞不必作膿榮衛不通留結為癰晝
夜不語語言不同碎骨不去其人必凶雞舌隔角旁不
相當頭毛解脫忘失故常瘡不再縫膏不再漿

金瘡中風水候 夫金瘡裹縛不密為風水氣所中則疼
痛不止而腫翻齩

金瘡下血虛竭候 金刃中於經絡者下血必多腑臟空
虛津液竭少無血氣榮養故須補之

金瘡久不瘡候 夫金瘡有久不瘡者膿汁不絕肌肉不

生者其瘡內有破骨斷筋伏血腐肉缺刃竹刺久而不
出令瘡不愈喜出青汁當破出之瘡則愈

腕傷病諸候

凡九論

被打頭破腦出候 夫被打陷骨傷頭腦眩不舉戴眼直

視口不能語咽中沸聲如狔子喘口急手為妄取日不
死三日小愈

腕折破骨傷筋候 凡人傷折之法即夜盜汗者此髓斷

也七日死不汗者不死

卒被損瘀血候 夫有瘀血者其人喜忘不欲聞物聲病

人胃滿唇萎舌青口燥但欲漱水不欲咽無熱脉微大
來遲腹不滿其人言我腹滿為有瘀血汗當出不出內
結亦為瘀病人胃滿口乾髀痛渴無寒熱為有瘀血腹

滿口燥不渴唾如漿狀此有留血亦從高頓仆內有血
腹脹滿其脉牢強者生小弱者死得蒼掠內有結血脉
實大者生虛小者死其湯熨針石別有正方補養宣導
今附於後

養生方導引法云端坐生腰舉左手仰掌以右手承右
脇以鼻內氣自極七息除瘀血結氣

又云鼻內口閉有極七息除兩脇下積血氣

又云端坐生腰舉左手右手承右脇鼻內氣七息除瘀血

又云端坐右手持腰鼻內氣七息左右戾頭各三十止

除體瘀血項頸痛

又云雙手擗腰手指相對向盡勢前後振搖二七又將

手大指向後極勢振搖二七不移手上下對與氣下盡

勢來去三七去雲門腰掖血氣閉塞

歷逆墜墮內換候此為人卒被重物壓逆或從高墜

致吐下血此傷五內故也

腕傷初繫縛候夫腕傷重者為斷皮肉骨髓傷筋脉皆

是卒然致損故血氣隔絕不能同榮所以須善繫縛按

摩導引令其血氣復

被損久瘀血候此為被損傷仍為風冷搏故令血瘀結

在內久不瘥也

腕折中風痙候夫腕折傷皮肉作瘡者慎不可當風及

自扇若風入瘡內犯諸經絡所致痙瘳者脊背強直口

噤不能言也

腕折中風腫候此為風入瘡內而不入經絡其搏於氣

故但腫也

刺傷中風水候 此為竹木所刺傷其瘡中風水者則腫痛乃至成膿

重刊巢氏諸病源候總論卷之三十一終

卷之三十七

○婦人雜病諸候一 凡三十二論

風虛勞冷候 風邪驚悸候

虛汗候 中風候

中風口噤候 角弓反張候

偏風口喎候 賊風偏枯候

風眩候 風癲狂候

風癢痒候 風蠱候

癩候 氣候

心痛候 心腹痛候

腹中痛候

小腹痛候

月水不調候

月水不利候

月水來腹痛候

月水不斷候

月水不痛候

帶下候

帶五色俱下候

帶下青候

帶下黃候

帶下赤候

帶下白候

帶下黑候

帶下月水不利候

帶下月水不通候

重刊巢氏諸病源候總論卷之三十七

婦人雜病諸候

凡三十二論

風虛勞冷候 風虛勞冷者是人體虛勞而受於冷也夫
 人將攝順理則血氣調和風寒暑濕不能為害若勞傷
 血氣便致虛損則風冷乘虛而干之或客於經絡或入
 於腹內其經絡得風冷則氣血冷澀不能自溫於肌膚
 也腹內得風冷則脾胃弱不消飲食也隨其所傷而變
 成病若大腸虛者則變下利若風冷入於子臟則臟冷
 致使無兒若搏於血則血澀壅亦令經水不利斷絕不通
 風邪驚悸候 風邪驚悸者是為乘於心故也心藏神為
 諸藏之主若血氣調和則心神安定若虛損則心神虛
 弱致風邪乘虛干之故驚而悸動不定也其驚悸不止

則變恍惚而憂懼

虛汗候 人以米穀之精化為血氣津液津液行於腠理若勞傷損動陽氣外虛腠理開血氣衰弱故津液洩越冷多汗也其虛汗不止則變短氣柴瘦而羸瘠也亦令血脈減損經水否澀甚者閉斷不通也

中風候 中風者虛風中於人也風是四時八方之氣常以冬至之日候其八方之風從其鄉來者主長養萬物若不從其鄉來名為虛風則害萬物人體虛者則中之當時雖不即發停在肌膚後或重傷於風前後重者因體虛則發人腑臟俞皆在背中風多從俞入隨所中之俞而發病若心中風但得偃卧不得傾側汗出若唇赤汗流者可治急灸心俞百壯若唇或青或白或黃或黑

此是心壞為水面自亭而時悚動皆復不可治五六日而死若肝中風踞坐不得低頭若逆兩自連額上色微有青者唇青而面黃可治急灸肝俞百壯若大青黑面一黃一白者是肝已傷不可復治數日而死若脾中風踞而腹滿身遍黃吐鹹水汗出者可治急灸脾俞百壯若手足青者不可復治腎中風踞而腰痛視脇左右未看黃色如餅糶大者可治急灸腎俞百壯若齒黃赤鬚髮直而土色不可復治肺中風側卧而背滿短氣冒悶汗出視目下鼻上下兩邊下行至口色白可治急灸肺俞百壯若色黃為肺已傷化為血而不可復治其人當妄接空自括衣此亦數日而死

中風口噤候

中風口噤是體虛受風風入頰頰夾口之

筋也手三陽之筋結入於頷頰足陽明之筋上夾於口而風挾之乘虛而入其筋則筋攣故引牙關急而口噤角弓反張候角弓反張是體虛受風風入諸陽之經也人陰陽經絡周環於身風邪乘虛入諸陽之經則腰背反折攣急如角弓之狀

偏風口喎候 偏風口喎是體虛受風風入於夾口之筋也足陽明之筋上夾於口其筋偏虛而風因乘之使其經筋偏急不調故令口喎僻也

賊風偏枯候 賊風偏枯是體偏受風風客於半身也人有勞傷血氣半身偏虛者風乘虛入客為偏風也其風邪入深真氣去邪氣留則為偏枯此由血氣衰損為風所客令血氣不相周榮於肌肉故令偏枯也

風眩候 風眩是體虛受風風入於腦也諸腑臟之精皆上注於目其血氣與脈并上屬於腦循脈引於目系目系急故令眩也其眩不止風邪甚者變癩倒為癩疾

癩狂候 癩者卒發仆地吐涎沫口喎目急手足繚戾無所覺知良久乃甦狂者或言語倒錯或自高賢或罵詈不避親疎亦有自定之時皆由血氣虛受風邪所為人稟陰陽之氣而生風邪入并於陰則為癩入并於陽則為狂陰之與陽更有虛有實隨其虛時為邪所并則發故發癩又發狂又在胎之時其母卒大驚動精氣并居亦令子發癩此則小兒而發癩者是非閑長因血氣虛損受風邪所為又有五癩一曰陽癩二曰陰癩三曰風癩四曰濕癩五曰勞癩此蓋隨其感處之由立名又有

牛馬猪雞狗之癩皆以其癩發之時聲形狀似於牛馬等故以為名也俗云病癩人忌食六畜之肉食者癩發之狀皆悉象之

風瘙痒候 風瘙痒者是體虛受風風入腠理與血氣相搏而俱往來在於皮膚之間邪氣微不能衝擊為痛故但瘙痒也

風蠱候 風蠱者由體虛受風風在皮膚之間其狀淫々躍々若蠱物刺一身盡痛侵傷血氣動作如蠱毒之狀謂之風蠱

癩候 癩病是賊風入百脉傷五臟連注骨髓俱傷而發於外使眉睫墮落皮肉生瘡筋爛節斷語聲嘶破而毒風之變冷熱不同故腠理發癩形狀亦異

氣候 氣病是肺虛所為肺主氣五臟六腑皆稟氣於肺憂思恐怒居處飲食不節傷動肺氣者並成病其氣之病有虛有實其肺氣實謂之有餘則喘逆上氣其肺氣虛謂之不足則短少之少氣而有冷有熱熱則四肢煩熱也冷則手足逆冷

心痛候 心痛是臟虛受風風冷邪氣乘於心也其痛發有死者有不死成瘵者心為諸臟主而藏神其正經不可傷傷之而痛者名為真心痛朝發夕死夕發朝死心之肢別絡為風冷所乘而痛者故痛發乍間乍甚而成瘵也

心腹痛候 心腹痛者腑臟虛弱風邪客於其間與真氣相擊故痛其痛隨氣下上或上衝於心或下攻於腹故

心腹痛。

腹中痛候 腹痛者由臟腑虛弱風冷邪氣乘之邪氣與正氣相擊則腹痛也

小腹痛候 小腹痛者此由胞絡之間宿有風冷搏於血氣停結小腹因風發動與血相擊故痛

月水不調候 婦人月水不調由勞傷氣血致體虛受風冷風冷之氣客於胞內傷衝脉任脉損手太陽少陰之經也衝任之脉皆起於胞內為經絡之海手太陽小腸之經手少陰心之經此二經為表裏主上為乳汁下為月水然則月水是經絡之餘若冷熱調和則衝脉任脉氣盛太陽少陰所生之血宜流以時而下若寒温乘適經脉則虛有風冷乘之邪搏於血或寒或温寒則血結

温則血消故月水乍多乍少為不調也診其脾脉沈沈而喘浮之而虛若腸脹煩滿胃中有熱不嗜食食不化大便難四支苦痺時不仁得之房內月事不來來而併又少陰脉溢則血不來此為居經三月一來又脉微血氣俱虛年少者亡血之脉也乳子下利為可不調者此為居經亦三月一來又經水一月再來者經來時其脉微有如常而反微者不利不汗出者其經二月必來養生方云病憂恚泣哭以令陰陽結氣不和故令月水時少時多內熱苦渴色慙體肌枯身重

月水不利候 婦人月水不利者由勞傷血氣致令體虛而受風冷風冷客於胞內損傷衝任之脉手太陽少陰之經故也衝脉任脉之海皆起於胞內手太陽小腸之

經也手少陰心之經也此一經為表裏主下為月水風
冷客於經絡搏於血氣血得冷則壅滯故令月水來不
宜利也診其脈從寸口邪入上者名曰解脈來至狀如
琴絃若小腹痛經月不利孔竅生瘡又左手關上脈足
厥陰經也沈為陰陰虛者主月經不利腰腹痛尺脈滑
血氣實經絕不利又左手尺脈來而斷絕者月水不利
也又脈寸關調如故而尺脈絕不至者月經不利當患
小腹引腰絞痛氣積聚上又脅脇

月水來腹痛候 婦人月水來腹痛者由勞傷血氣以致
體虛受風冷之氣客於胞絡損衝任之脈手太陽少陰
之經衝脈任脈皆起於胞內為經脈之海也手太陽小
腸之經手少陰心之經也此一經共為表裏主下為月

水其經血虛受風冷故月水將下之際血氣動於風冷
風冷與血氣相擊故令痛也

月水不斷候 婦人月水不斷者由損傷經血衝脈任脈
虛損故也衝任之脈為經脈之海手太陽小腸之經也
手少陰心之經也此二經為表裏主下為月水勞傷經
脈衝任之氣虛損故不能制其經血故令月水不斷也
凡月水不止而合陰陽冷氣上入臍令入身體面日瘵
黃亦令絕子不產也

月水不通候 婦人月水不通者由勞損血氣致令體虛
受風冷風冷邪氣客於胞內傷損衝任之脈并手太陽
少陰之經致胞絡內絕血氣不通故也衝任之脈起於
胞內為經脈之海手太陽小腸之經也手少陰心之經

也此二經為表裏主下為月水風冷傷其經血血性得
溫則宜流得寒則澁閉既為冷所結搏血結在內故令
月水不通

又云腸中鳴則月事不來病本於胃所以然者風冷于
於胃氣胃氣虛不能分別水穀使津液不生血氣不凝
故也

又云醉以入房則內氣竭絕傷肝使月事衰少不來也
所以爾者肝藏於血勞傷過度血氣枯竭於內也又先
經唾血及吐血下血謂之脫血使血枯亦月事不來也
又利血經水亦斷所以爾者津液減耗故也利止津液
生其經自下診其腎脉微澁為不利者是月水不來也
又左手關後尺內浮為陽絕者無膀胱脉也月事則閉

又肝脉沈之而急浮之亦然時小便難苦頭眩痛腰痛
痛足為寒時寒月事不來時恐得之少之時有所墮墜
也月水不通久則血結於內生塊變為血瘕亦作血瘕
血水相并壅澁不宜通脾胃虛弱變為水腫也所以然
者脾候身之肌肉象於土土主能剋消於水水血既并
脾氣衰弱不能剋消故水氣流溢浸漬肌肉故腫滿也
帶下候帶下者由勞傷過度損動經血致令體虛受風
冷風冷入於胞絡搏其血之所成也衝脉任脉為經絡
之海任之為病女子則帶下而手太陽為小腸之經也
手少陰心之經也心為藏主於裏小腸為府主於表此
二經之血在於婦人上為乳汁下為月水衝任之所統
也衝任之脉既起於胞內陰陽過度則傷胞絡故風邪

乘虛而入於胞，損衝任之經，傷太陽少陰之血，致令胞絡之間，穢液與血相兼帶帶而下。冷則多白，熱則多赤，故名帶下。又帶有二門，一曰胞門，二曰龍門，三曰玉門。已產屬胞門，未產屬龍門，未嫁屬玉門。又未嫁女亦有二病：一者經水初下，陰內熱或當風或因扇得冷；二者或因以寒水洗之，得冷。二者或見月水初下，驚恐得病，皆屬帶下也。又婦人年五十所病下利，數十日不止，暮發熱，小腹裏急，痛腹滿，手掌熱，煩唇口乾燥，此因曾經半產，瘀血在小腹，不去，此疾必帶下。所以知瘀血者，唇口燥，即是其證。又婦人年五十所病，但若背痛，時々腹中痛，少食，多厭診其脈，陽微，關尺小緊，形脈不相應，病如此，在下焦，此必帶下。又婦人帶下六極之病，脈浮，即

賜賜腰滿，脈緊，即腸中痛，脈數，則陰中痔痛，生瘡，脈弦，即陰疾，制于痛。

帶五色俱下候 帶下病者，由勞傷血氣，損動衝脈任脈，致令其血與穢液兼帶而下也。衝任之脈為經脈之海，經血之行內宋五臟，五臟之色隨藏不同。傷損經血，或冷或熱，而五藏俱虛，損故其色隨穢液而下，為帶五色俱下。

帶下青候 此由勞傷血氣，損動衝脈任脈，衝任之脈皆起於胞內，為經脈之海，手太陽小腸之經也，手少陰心之經也。此二經主下為月水。若經脈傷損，衝任氣虛，不能約制經血，則與穢液相兼而成帶下。然五臟皆稟血氣，其色則隨藏而不同。肝藏之色青，帶下青者，是肝藏

虛損故帶下而挾青色

帶下黃候勞傷血氣損動衝脉任脉衝任之脉皆起於胞內為經脉之海手太陽小腸之經也手少陰心之經也此二經主下為月水若經脉傷損衝任氣虛不能約制經血則血與穢液相兼而成帶下然五臟皆稟血氣其色則隨臟不同脾藏之色黃帶下黃者是脾藏虛損故帶下而挾黃色

帶下赤候勞傷血氣損動衝脉任脉衝任之脉皆起於胞內為經脉之海手太陽小腸之經也手少陰心之經也此二經主下為月水若經脉傷損衝任氣虛不能約制經血則與穢液相兼而成帶下然五臟皆稟血氣其色則隨臟不同心臟之色赤帶下赤者是心臟虛損故帶

下而挾赤色

帶下白候勞傷血氣損動衝脉任脉衝任之脉皆起於胞內為經脉之海手太陽小腸之經也手少陰心之經也此二經主下為月水若經脉傷損衝任氣虛不能約制經血則血與穢液相兼而成帶下然五臟皆稟血氣其色則隨臟不同肺藏之色白帶下白者是肺藏虛損故帶下而挾白色也

帶下黑候勞傷血氣損動衝脉任脉衝任之脉皆起於胞內為經脉之海手太陽小腸之經也手少陰心之經也此二經主下為月水若經脉傷損衝任氣虛不能約制經血則血與穢液相兼而成帶下然五臟皆稟血氣其色則隨臟不同腎藏之色黑帶下黑者是腎藏虛損

故帶下而挾黑色也

帶下月水不利候 帶下之病由勞傷血氣損動衝脉任脉衝任之脉起於胞內為經脉之海經血傷損故血與穢液相兼而成帶下帶下輸瀉則臟虛而重被風冷乘之入傷手太陽少陰之經則使月水不利所以尔者手太陽小腸之經也為腑主表手少陰心之經也為臟主裏此二經共合其經血上為乳汁下為月水血性得寒則澁既為風冷所乘冷氣沈積故血結壅所以帶下月水不通凡月水不通血結積聚變成血痕血痕亦變面目浮腫也

太陽小腸之經也為腑主表手少陰心之經也為臟主裏此二經共合其經血上為乳汁下為月水血性得寒則澁既為風冷所乘冷氣沈積故血結壅所以帶下月水不通凡月水不通血結積聚變成血痕血痕亦變面目浮腫也

重刊巢氏諸病源候總論卷之三十七終

卷之三十八

○婦人雜病諸候二 凡十九論

漏下候

漏五色俱下候

漏下青候

漏下黃候

漏下赤候

漏下白候

漏下黑候

崩中候

白崩候

崩中五色俱下候

崩中漏下候

崩中漏下五色候

積聚候

癰病候

疝瘕候

癥瘕候

八癆候

帶下三十六疾候

無子候

白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候
白帶候	赤帶候	白帶候	赤帶候	白帶候	赤帶候	白帶候	赤帶候	白帶候	赤帶候

重刊巢氏諸病源候總論卷之三十八

婦人雜病諸候二

凡一十九論

漏下候

漏下者由勞傷血氣衝任之脉虛損故也衝脉任脉為十二經脉之海皆起於胞內而手太陽小腸之經也手少陰心之經也此二經主上為乳汁下為月水婦人經脉調適則月水以時若勞傷者以衝任之氣虛損不能制其經脉故血非時而下淋瀝不斷謂之漏下也診其寸口脉弦而大弦則為藏大則為乳藏即為寒乳即為虛寒乳相搏其脉為牢婦人即半產而下漏又尺寸脉虛者漏血漏血脉浮不可治也

養生方云懷娠未滿三月服藥自傷下血下血未止而合陰陽邪氣結因漏治不止狀如腐肉在於子臟今內虛

漏五色俱下候 漏下之病由勞傷血氣衝任之脉虛損故也衝脉任脉為經脉之海起於胞内手太陽小腸之經也手少陰心之經也此二經之血主上為乳汁下為月水衝任之脉虛損不能約制其經血故血非時而下淋瀝成漏也五臟皆稟血氣虛則淋瀝漏致五臟傷損五臟之色隨臟不同若五臟皆虛損者則漏五色隨血而下診其尺脉急而弦大者風邪入少陰女子漏赤白下又漏下赤白不止脉小虛滑者生脉大緊實數者死也又漏血下赤白日下血數斗脉急疾者死遲者生養生方云夫婦自共諍訟訟意未和平強從子臟閉塞留結為病遂成漏下黃白如膏

漏下青候

勞傷血氣衝任之脉虛損衝任之脉皆起於胞内為經脉之海手太陽小腸之經也手少陰心之經也此二經主下為月水傷損經血衝任之氣虛故血非時而下淋瀝不斷而成漏下五臟皆稟血氣肝臟之色青漏下青者是肝臟之虛損故漏下而挾青色也

漏下黃候

勞傷血氣衝任之脉皆起於胞内為經脉之海手太陽小腸之經也手少陰心之經也此二經主下為月水傷損經血衝任之氣虛故血非時而下淋瀝不斷而成漏下五臟皆稟血氣脾臟之色黃漏下黃者是脾臟之虛損故漏下而挾黃色也

漏下赤候

勞傷血氣衝任之脉皆起於胞内為經脉之海手太陽小腸之經也手少陰心之經也此二經者主下為月水傷損經血衝任之氣虛故血非時而下淋瀝

不正而成漏下五臟皆稟血氣心臟之色赤漏下赤者是心臟之虛損故漏下而挾赤色也

漏下白候 勞傷血氣衝任之脉皆起於胞內為經脉之海手太陽小腸之經主下為月水傷損經血衝任之氣虛故血非時而下淋瀝不斷而成漏下五臟皆稟血氣肺臟之色白漏下白者是肺臟之虛損故漏下而挾白色也

漏下黑候 勞傷血氣衝任之脉皆起於胞內為經脉之海手太陽小腸之經也手少陰心之經也此二經主下為月水傷損經血衝任之氣虛故血非時而下淋瀝不斷而成漏下五臟皆稟血氣腎臟之色黑漏下黑者是腎臟之虛損故漏下而挾黑色也

崩中候 崩中者腑臟傷損衝脉任脉血氣俱虛故也衝任之脉為經脉之海血氣之行外循經絡內榮腑臟若無傷則腑臟平和而氣調適經下以時若勞動過度致腑臟俱傷而衝任之氣虛不能約制其經血故忽然暴下謂之崩中診其寸口脉微遲尺脉微於寸遲為寒在上焦但吐耳今尺脉遲而弦如此小腸痛腰脊痛者必下血也

白崩候 白崩者是勞傷胞絡而氣極所為肺主氣氣極則肺虛冷也肺臟之色白虛冷勞極其色與胞絡之間穢液相挾崩傷而下為白崩也

崩中五色俱下候 崩中之病是傷損衝任之脉衝任之脉皆起於胞內為經脉之海勞傷過度衝任氣虛不能

統制經血故忽然崩下謂之崩中五臟皆稟血氣五臟之色隨臟不同傷損之入五臟皆虛故五色隨崩俱下其狀白崩形如涕赤崩形如紅汁黃崩形如爛瓜汁青崩形如藍色黑崩形如乾血色

崩中漏下候崩中之狀是傷損衝任之脉衝任之脉皆起於胞內為經脉之海勞傷過度衝任氣虛不能約制經血故忽然崩下謂之崩中崩而內有瘀血故時崩時止淋瀝不斷名曰崩中漏下

崩中漏下五色候崩中之病是勞傷衝任之脉衝任之脉起於胞內為經脉之海勞傷過度衝任氣虛不能統制經血故忽然崩下謂之崩中而瘀血在內遂淋瀝不斷謂之漏下漏下不止致損於五臟五臟之色隨臟不

同因虛而五色與血俱下其狀白者如涕赤者如紅汁黃者如爛瓜汁青者如藍色黑者如乾血色相雜而下也
積聚候積者五臟所積聚者六腑所成五臟之氣積名曰積六腑之氣聚名曰聚也積痛不離其部聚者其痛無有常處皆由陰陽不和風冷搏於臟腑而生積聚也婦人病積經久則令無子亦令月水不通所以然者積聚起於冷結入子臟故令無子若冷氣入於胞絡冷搏於血血冷則澁結故令月水不通

癖病候癖病者由冷氣結聚飲食不消停積於脅下則成癖病其狀弦急刺痛得冷則發作也

疝瘕候疝瘕之病由飲食不節寒溫不調氣血勞傷臟腑虛弱受於風冷令人腹內與血氣相結所生疝者痛

也瘕者假也其結聚浮假而痛推移而動婦人病之有異於丈夫者或因產後臟虛受寒或因經水往來取冷過度非獨閉飲食失節多挾血氣所成也診婦人病瘕其脉弦急者生虛弱小者死又尺脉瀼而浮牢為血實氣虛也其發腹滿逆滿氣上行此為婦人胞中絕傷有惡血久成結瘕得病以冬時來其鼻則赤

瘕痞候 瘕痞者由冷熱不調飲食不節積在腹內或腸胃之間與臟相結搏其牢強推之不移名曰瘕言其病形徵可驗也氣壅塞為痞言其氣痞澁不宣暢也皆得冷則發動刺痛瘕痞之病其形冷結若冷氣入於子臟則使無子若冷氣入於胞絡搏於血氣血得冷則澁令月水不通也

八瘕候 八瘕者皆胞胎生產月水往來血脉精氣不調之所生也腎為陰主開閉左為胞門右為子戶主定月水生子之道胞門子戶主子精神氣所出入合於中黃門玉門四邊主持開元禁閉子精臍下三寸名曰開元主藏魂魄婦人之胞三焦之府常所從止然婦人經脉愈絡合調則月水以時來至故能生子而無病婦人榮衛經絡斷絕不通邪氣便得往入合於臟若生血未盡而合陰陽即令婦人血脉攣急小腹重急支滿胃脅腰背相引四支酸痛飲食不調結牢惡血不除月水不時或月前月後因生積聚如懷胎狀邪氣甚盛者令人恍惚多憂寒熱四肢不欲動陰中生氣腫內生風甚者害小便瀼瀼而痛淋瀝面黃黑成病則不復生子其八瘕

者黃瘦青瘦燥瘦血瘦脂瘦狐瘦蛇瘦鼈瘦也 黃瘦者婦人月水始下若新傷隨血氣未止卧寤未定五臟六腑虛羸精神不治因以當向大風便利陰陽開關節四邊中於濕風氣從下上入陰裏稽留不去名為陰陽虛則生黃瘦瘵之聚令人苦四肢寒熱身重淋露不欲食左脅下有血氣結牢不可得而抑苦腰背相引痛月水不利令人不產小腹下陰中如刀刺不得小便時苦寒熱下赤黃病令人無子 青瘦者婦人新產未滿十日起行以浣洗太早陰陽虛玉門四邊皆解散子戶未安骨肉皆痛手臂不舉飲食未復內藏吸々又當風卧不自隱蔽若居濕席令人苦寒洒々入腹煩悶沈淖惡血不除結熱不得前後便化生青瘦瘵聚左右脅藏於

背脊上與鬲々腰下攣兩足腫面目黃大小便難其後月水為之不通利或不復禁狀如崩中此自其過所致令人少子 燥瘦者婦人月水下惡血未盡其人虛憊而已夏月熱行疾走若舉重移輕汗出交流氣力未平而率以急悉以喜致猥咽不洩經脉攣急內結不舒煩滿少氣上達胃萬背脊小腹為急月水與氣俱不通而反以飲清水快心月水橫流衍入他臟不去有熱因生燥瘵之聚大如半杯上下腹中苦痛還兩脅下上引心而煩宮飲食欲吐胃及腹中不得大息腰背重喜卧盜汗足酸疼痛久立而痛小便失時居然自出若朱精月水閉塞大便難病如此者其人少子 血瘵病婦人月水新下未滿日數而中止飲食過度五穀氣盛溢入他

臟若大飢寒汲々不足呼吸未調而自勞血下未定左
右走腸胃之間留絡不去內有寒熱與月水合會為血
瘕之聚令人腰痛不可以俛仰橫骨下有積氣牢如石
小腹裏急苦痛背脊疼深達腰腹下攣陰裏若生風冷
子門擗日水不時乍來乍不來此病令人無子 脂瘕
者婦人月水新來若未滿二十日以合陰陽絡脉分胞
門傷子戶失禁開節散五臟六腑津液流行陰道睵動
百脉閉樞四解外不見其形子積與血氣相遇犯禁子
精化不足成子則為脂瘕之聚令人支滿裏急痛疾痺
引小腹重腰背如刺狀四肢不舉飲食不甘卧不安席
左右走腹中切痛時瘥時甚作者少氣頭眩身軀解以
苦寒惡風膀胱脹日水乍來乍去不如常大小便血不

正如此者令人無子 狐瘕者婦人月水當日數來而
反悲哀憂恐以速行逢暴風疾雷雨電驚恐衣被沈濕
疲倦少氣心中恍惚未定四肢懈惰振寒脉氣絕精神
遊亡胞氣入於陰裏不去生狐瘕之聚食入臟令人月
水閉不通小腹瘀血胃脅腰背痛陰中腫小便難胞門
子戶不受男精五臟氣盛令嗜食欲嘔若睡多所思如
有娠狀四肢不舉有此病者終身無子其瘕有手足成
形者殺人也未成者可治 蛇瘕者婦人月水已下新
止適閉未復胞門子戶勞傷陰陽未平復榮衛分行若
其中風暴病羸劣飲食未調若已起當風行厥度泥塗
用清寒太早若坐濕地名陰陽亂腹中虛且未飲食若
遠道之餘汚井之水不潔之食吞蛇鼠之精留結不去

因生蛇瘕之聚，上食心肝，長大其形，若漆在臍，上下還
疔左右，脅不得氣，兩股脛間若漆疾，小腹疾，小便赤黃，
膀胱引陰中，舉腰目痛，難以動作，苦寒熱之後，月水有
多有少，有此病者，不復生子，其手足成形者，殺人未成
者可治。鼈瘕者，婦人月水新至，其人劇吐疲勞，衣服
沈濕，不以時去，若當風睡，兩足踐濕地，恍惚覺悟，蹠立
未安，顏色未平，復見所好，心為開，鬼魄感動，五內脫消，
若以入水，澆洗沐浴，不以時出，神不守水，精與邪氣俱
入，至上一二焦之中，募至門先閉，津液妄行，留絡不去，因
生鼈瘕之聚，大如小盤，令人小腹切痛，惡氣走，上下腹
中苦痛，若存若亡，持之躍，手不利，陰裏腰背亦痛，不可
以息，月水喜敗，不通，面自黃黑，脫聲，少氣，有此病者，令

人絕子，其瘕有手足成形者，殺人未成者可治。

二十六疾候 諸方說二十六疾者是，十二癥九痛
七害五傷三痼謂之，二十六疾也。十二癥者是，所下之
物一者如膏，二者如青血，三者如紫汁，四者如赤皮，五
者如膿茄，六者如豆汁，七者如葵羹，八者如凝血，九者
如清血，血似水，十者如米汁，十一者如月澆，十二者經
度不應期也。九痛者一者陰中痛傷，二者陰中淋痛，
三者小便即痛，四者寒冷痛，五者月水來腹痛，六者氣
滿並痛，七者汁出陰中如蟲齧痛，八者脅下皮痛，九者
腰痛。七害者一者害食，二者害氣，三者害冷，四者害
勞，五者害房，六者害姪，七者害睡。五傷者一者窮孔
痛，二者中寒熱痛，三者小腹急牽痛，四者藏不仁，五者

子門不正引背痛。三痼者一者月水閉塞不通其餘
二痼者文闕不載而張仲景所說三十六種疾皆由子
臟冷熱勞損而挾帶下起於陰內條自混漫與諸方不
同但仲景義最玄深非愚淺能解恐其文雖異其義理
實同也

無子候 婦人無子者其事有三也一者墳墓不祀二者
夫婦年命相剋三者夫病婦疹皆使無子其若是墳墓
不祀年命相剋此二者非藥能益若夫病婦疹須將餌
故得有效也然婦人挾疾無子皆由勞傷血氣冷熱不
調而受風寒客於子宮致使胎內生病或月經澁閉或
崩血帶下致陰陽之氣不和經血之行乖候故無子也
診其右手關後尺脈浮則為陽陽脈絕無子也又脈微

澁中年得此為絕產也少陰脈如浮緊則絕產惡寒脈
尺寸俱微弱則絕嗣不產也其湯熨針石別有正方補
益吐納今附於後
養生方云月初出時日入時向月正立不息八通仰頭
吸月光精八咽之令人陰氣長婦人吸之陰氣益盛子
道通陰氣長益精髓腦少小者婦人至四十九已上還
生子斷緒者即有子久行不已即成仙矣

重刊巢氏諸病源候總論卷之三十八終

卷之三十九
凡四十論
婦人雜病諸候三
月水不利無子候
子臟冷無子候
結積無子候
腹滿少氣候
客熱候
身體卒痛候
痰候
咽中如炙肉齶候
喉痛候

卷之三十九

婦人雜病諸候三

凡四十論

月水不利無子候

月水不通無子候

子臟冷無子候

帶下無子候

結積無子候

數失子候

腹滿少氣候

胸脇脹滿候

客熱候

煩滿候

身體卒痛候

左脇痛如刀刺候

痰候

嗽候

咽中如炙肉齶候

喉痛候

癭候

口舌出血候

金瘡敗壞候

耳聾風腫候

風眩鼻塞候

面黑疔候

蛇皮候

白禿候

腫滿水氣候

卒腫候

吐血候

汗血候

耳聾候

眼赤候

鼻衄候

面黑子候

手逆腫候

耳後附骨癰候

血分候

赤流腫候

瘀血候

傷寒候

時氣候

癰候

重刊巢氏諸病源候總論卷之三十九

婦人雜病諸候三

凡四十論

月水不利無子候 月水不利而無子者由風寒邪氣客於經血則令月水否澀血結子臟陰陽之氣不能施化所以無子也

月水不通無子候 月水不通而無子者由風寒邪氣客於經血夫血得溫則宣流得寒則凝結故月水不通冷熱血結搏子臟而成病致陰陽之氣不調和月水不通而無子也月水久不通非止令無子血結聚不消則變為血瘕經久盤結成塊亦作血瘕血水相并津液壅澀脾胃衰弱者水氣流溢變為水腫如此難可復治多致斃人

破血新

扶虛新

調經新

養血新

養生方云少時若新產後急帶舉重子陰挺出或傾邪
月水不瀉陰中激痛下塞令人無子

子臟冷無子候 子臟冷無子者由將攝失宜飲食不節
衆風取冷或勞傷過度致風冷之氣乘其經血結於子
臟子臟則冷故無子

帶下無子候 帶下無子者由勞傷於經血經血受風邪
則成帶下帶下之病曰沃與血相兼帶而下也病在子

臟胞內受邪故令無子也診其右手關後尺中脈浮浮
為陽陽絕者無子脉也若足逆冷帶下故也

結積無子候 五臟之氣積名曰積藏積之生皆因飲食
不節當風取冷過度其子臟勞傷者積氣結搏於子臟
致陰陽血氣不調和故病結積而無子

養生方云月水未絕以合陰陽精氣入內令月水不節
內生積聚令絕子不復產乳

數失子候 婦人數失子者或由乖陰陽之理或由觸犯
禁忌既產之後而數失兒乃非胎臟生病故可以方術
防斷之也

腹滿少氣候 腹滿少氣者由臟虛而觸風冷風冷搏於
血氣故腹滿腹滿則氣壅在內而呼吸不足常如少氣
之故云少氣腹滿也

胃脅脹滿候 胃脅脹滿者由勞傷體虛而風冷之氣乘
之客於臟腑腸胃之間搏於血氣血氣壅之不宣氣得
冷則逆與血飲相搏上搶胃脅所以令胃脅脹滿也

客熱候 人血氣有陰陽臟腑有虛實實則生熱虛則受

寒互相乘如此人身內陰陽冷熱自相乘也此云客熱者是體虛而將溫過度外熱加之非肺臟自生故云客熱也其狀上焦胃滿之間虛熱口燥或手足煩熱腸胃之內無實熱也

煩滿候煩滿者由體虛受邪使氣血相搏而氣逆上乘於心胃氣否不宣故令煩滿煩滿者心煩胃間氣滿急也

身體卒痛候身體卒痛者由勞動血氣而體虛受於風冷客其經絡邪氣與正氣交擊於肌肉之間故身體卒痛也

左脅痛如刀刺候左脅偏痛者由經絡偏虛受風邪故也人之經絡循環於身左右表裏皆周徧若氣血調和不生虛實邪不能傷偏虛者偏受風邪今此云左脅痛者

左邊偏受病也但風邪在於經絡與血氣相乘交爭衝擊故痛發如刀刺

痰候痰者由水飲停積在於胃滿所成人皆有痰少者不能為害多則成患但胃滿飲漬於五臟則變令眼痛亦令目眩頭痛也

嗽候嗽者肺傷微寒故也寒之傷人先傷肺者肺主氣候皮毛故寒客皮毛先傷肺也其或寒微者則欬嗽也

咽中如炙肉變候咽中如炙肉變者此是胃滿痰結與氣相搏逆上咽喉之間結聚狀如炙肉之變也

喉痛候喉痛者風熱毒客於其間故也十二經脈有循頰喉者五臟在內而經脈循於外臟氣虛則經絡受邪邪氣搏於藏氣則生熱熱乘其脈熱搏咽喉故令喉痛也

癭候 癭病者是氣結所成其狀頸下及皮寬腫令人然夢
悲思慮動於腎氣腎氣逆結實所生又諸山州縣人飲
水多者沙搏於氣結頸下亦成癭也

吐血候 吐血者皆由傷損腑臟所為夫血外行經絡內
榮腑臟若傷損經絡腑臟則虛血行失其常理氣逆者
吐血又怒則氣逆甚則嘔血然憂思驚怒內傷腑臟氣
逆上者皆吐血也

口舌出血候 口舌出血者心脾傷損故也脾氣通於口
心氣通於舌而心主血脈血榮於臟腑通於經絡若勞
損臟腑傷動經脈隨其所傷之經虛者血則妄行然口
舌出血心脾二臟之經傷也

汗血候 汗血者肝心二臟虛故也肝藏血而心主血脈

心之液為汗肝是木心是火母子也血之行內在腑臟
外通經絡勞傷肝心其血脈虛者隨液發為汗而出也
金瘡敗壞候 婦人金瘡未瘥而交會動於血氣故令瘡
敗壞

耳聾候 耳聾風冷傷於腎腎氣通於耳勞傷腎氣風冷
客之邪與正氣相搏使經氣不通故耳聾也

耳聾風腫候 耳聾風腫者風邪搏於腎氣故也腎氣通
於耳邪搏其經血氣壅滯不得宣發故結腫也

眼赤候 眼皆赤者風冷客於腎間與血氣相搏而淚液
乘之挾熱者則令皆赤

風眩鼻塞候 風眩而鼻塞者風邪乘腑臟入於腦也五
臟六腑之精氣皆上注於目血與氣并屬於腦體虛為

風邪入腦則引目目系急故令頭眩而腑臟皆受氣於肺肺主氣外候在鼻風邪入腦又搏肺氣故頭眩而鼻塞

鼻衄候

鼻衄者由傷動血氣所為五臟皆稟血氣血氣和調則循環經絡不洩不散若勞傷損動因而生熱氣逆流溢入鼻者則成鼻衄也

面黑肝候

面黑肝者或臟腑有痰飲或皮膚受風邪皆令血氣不調致生黑肝五臟六腑十二經血皆上於面

夫血之行俱榮表裏人或痰飲漬滯或腠理受風致血氣不和或洩或濁不能榮於皮膚故變生黑肝若皮膚受風水治則瘡腑臟有飲內療方愈也

面黑子候

面黑子者風邪搏血氣變化所生夫人血氣

充足則皮膚潤悅若虛損疵點變生黑子者是風邪變

其血氣所生若生而有之者非藥可治也

蛇皮候

蛇皮者由風邪客於腠理也人腠理受於風則

閉密使血氣滋濁不能榮潤皮膚斑剝其狀如蛇鱗世呼蛇體也亦謂之蛇皮也

手逆臚候

手逆臚者經脈受風邪血氣否滯也十二經

筋脈有起手指者其經虛風邪客之使血氣否滯皮膚臚枯剝逆起謂之逆臚

白禿候

頭瘡有蟲痂白而髮禿落謂之白禿云是人腹

內九虫內蟻虫值血氣虛發動所作也

耳後附骨癰候

附骨癰是風寒搏血脈入深近附於骨

也十二經之筋脈有絡耳後完骨者虛則風寒客之寒氣折血血否滯不通深附於骨而成癰也其狀無頭但

腫痛

腫滿水氣候 水病由體虛受風濕入皮膚搏津液津液不流滯滯在內不消而流溢皮膚所以然者腎主水與膀胱合膀胱為津液之府津液不消則水停蓄其外候目下如卧蠶頸邊人迎脈動甚也脾為土主剋水而脾候肌肉腎水停積脾土衰微不能消令水氣流溢浸漬皮膚而腫滿

血分候 血分病者是經血先斷而後成水病以其月水壅澁不通經血分而為水故曰血分婦人月經通流則水血消化若風寒搏於經脈血結不通血水而蓄積成水腫病

卒腫候 夫腫或風冷或水氣或熱毒此卒腫由腠理虛

而風冷搏於血氣壅結不宣故卒然而腫其狀但結腫而不熱是也

赤流腫候 赤流腫者由體虛腠理開而風熱之氣客之風熱與血氣相搏挾熱毒其狀腫起色赤隨氣流行移易故云流腫

瘀血候 此或月經否澁不通或產後餘穢未盡因而乘風取涼為風冷所乘血得冷則結成瘀也血瘀在內則時々體熱面黃瘀久不消則變成積聚癥瘕也

傷寒候 此謂人觸冒於寒氣而成病冬時嚴寒攝衛周密者則寒不能傷人若辛苦勞役汗出觸冒寒氣即發成病謂之傷寒也其輕者微欬鼻塞齧々小寒噲々微熱數日而歇重者頭痛體疼惡寒壯熱而膏腴之人

肌膚脆弱雖不大觸冒其居處小有失宜則易傷於寒也自有四時節內忽有暴寒傷於人成病者亦名傷寒謂之時行傷寒非觸冒所致言此時通行此氣故為時行也

時氣候 此謂四時之間忽有非節之氣候傷人而成病也如春時應暖而寒夏時應熱而冷秋時應涼而熱冬時應寒而溫言此四時通行此氣一氣之至無間少長病皆相似故名為時氣也但言其病若風寒所傷則輕狀猶如傷寒小頭痛壯熱也若挾毒厲之氣則重壯熱煩毒或心腹脹滿多死也

瘧疾 夫瘧病者由夏傷於暑客在皮膚至秋因勞動血氣腠理虛而風邪乘之動前暑熱正邪相擊陰陽交爭

陽盛則熱陰盛則寒陰陽更虛更盛故發寒熱陰陽相離則寒熱俱歇若邪動氣至交爭復發故瘧休作有時其發時節漸晏者此由邪客於風府邪循脊而下衛氣下日下夜常大會於風府其明日日下一節故其作日晏其發日早者衛氣之行風府日下一節二十一日下至尾骶二十二日入脊內上注於伏衝之脈其行九日出於缺盆之內其氣既上故其病發更早其間日發者由邪氣內薄五臟橫連募原其道遠其氣深其行遲不能日作故間日作蓄積乃發凡病瘧多渴引飲飲不消乃變為癰太腸虛引飲水入腸胃則變為利也

重刊巢氏諸病源候總論卷之三十九終

[Faint bleed-through text from the reverse side of the page]

大醫

卷之四

婦人

○婦人雜病諸候四

凡五十論

霍亂候

嘔吐候

孛子小兒注車船候

與鬼交通候

夢與鬼交通候

脚氣痿弱候

脚氣腫滿候

淋候

石淋候

胞轉候

小便不利候

小便不通候

大便不通候

大小便不利候

大小便不通候

遺尿候

病源卷四

目錄一

小便數候

下利候

帶利候

血利候

陰痺候

脫肛候

陰腫候

陰痛候

陰瘡候

陰挺出下脫候

陰冷候

陰中生息肉候

瘡候

痔病候

寸白候

陰臭候

尿血候

大便血候

失精候

乳腫候

姑乳候

乳癰候

發乳潰後候

乳瘡候

疔發乳候

乳結核候

乳石癰候

發背候

改訾候

發乳後渴候

發乳下利候

發乳久不瘳候

發乳餘核不消候

發乳癭候

重刊巢氏諸病源候總論卷之四十

婦人雜病諸候四

凡五十論

霍亂候 陰陽清濁相干謂之氣亂氣亂在腸胃為霍亂也。多因飲食過度冒觸風冷冷氣入於腹內脾氣得冷則不消水穀胃氣得冷則吐逆腸氣得冷則下利其心痛者先吐腹痛者先利心腹俱痛吐利並發其有頭痛壯熱而吐利者由體盛而挾風之氣搏之外與血氣交爭故頭痛發熱也內乘腸胃故霍亂吐利也

嘔吐候 胃氣逆則嘔吐胃為水穀之海其氣不調而有風冷乘之冷搏於胃氣胃氣逆則嘔吐也

發子小兒注車船候 無問男子女人乘車船則心悶亂頭痛吐逆謂之注車注船特由質性自然非關宿挾病也

與鬼交通候 人稟五行秀氣而生，承五臟神氣而養。若陰陽調和，則臟腑強盛，風邪鬼魅不能傷之。若攝衛失節，而血氣虛衰，則風邪乘其虛，鬼于其正，然婦人與鬼交通者，臟腑虛，神守弱，故鬼氣得病之也。其狀不欲見人，如有對忤，獨言笑，或時悲泣，是脈來遲伏，或如鳥喙，皆邪物病也。又脈來懸々，不知度數，而顏色不變，此亦病也。

夢與鬼交通候 夫臟虛者喜夢，婦人夢與鬼交，亦由腑臟氣弱，神守虛衰，故乘虛因夢與鬼交通也。

脚氣痛弱候 脚氣之病，由人體虛，溫濕風毒之氣先客於脚，從下而上，動於氣，故名脚氣也。江東嶺南土地卑下，風濕之氣傷於人，初得此病，多不即覺，或先無他疾。

而忽得之，或因衆病後得之。此病初甚微，飲食嬉戲氣力如故，當熟察之。其狀從膝至脚，有不仁，或若痺，或淫淫如虫行，或微腫，或酷冷，或疼痛，或緩縱不隨，或有攣急，或有至困，能飲食，或有不能食者，或有見飲食而嘔吐者，有惡聞食臭者，或有物如脂發於踠腸，有逆上衝心氣上者，或有拳體轉筋者，或壯熱頭痛者，或心胃衝悸，寢處不欲見明，或腹內苦痛，而兼下者，或言語錯亂，喜忘誤者，或眼濁，精神昏憤者，此皆其證候也。治之緩者，便上入腹，腹或腫，胃脅滿，上氣賁，便死急者，不全日緩者，二三日也。其病既入臟，證皆相似，但脈有三品，若脈浮大而緩，宜服續命湯兩劑。若風盛者，宜作起婢湯，加木四兩，若脈轉歇而緊，宜服竹瀝湯。若脈微，宜服風

越

憤

指

引湯二三劑其緊駛之脉是三品之最惡脉也脉浮大者病在外沈細者病在內皆當急治之治之緩慢則上氣便死也

脚氣腫滿候 温濕風毒從脚而上故令四肢懈惰緩弱疼痺甚則上攻名脚氣而津液為風濕所折則津液不澁而蓄積成水內則浸漬臟腑外則流溢皮膚故令滕理張密水氣積不散故腫也

淋候 淋腎虛而膀胱熱也膀胱與腎為表裏俱主水行於胞者為小便也腑臟不調為邪所乘腎虛則小便數膀胱熱則小便澁其狀小便痛疼澁數淋瀝不宣故謂之淋也

石淋候 淋而出石謂之石淋腎主水水結則化為石故密沙石腎為熱所乘則成淋腎虛則不能制石故淋而出石細者如麻如豆大者亦有結如皂莢核狀者發則燥痛悶絕石出乃歇

胞轉候 胞轉之病由胞為熱所迫或忍小便俱令水氣還迫於胞屈辟不得充張外水應入不得入內澁應出不得出內外壅脹不通故為胞轉其狀小腹急痛不得小便甚者至死張仲景云婦人本肥盛且舉自滿全羸瘦且舉空減胞系了戾亦致胞轉

小便不利候 腎與膀胱為表裏俱主水水行小腸入胞為小便熱搏其截熱氣蘊積水行則澁故小便不利也
小便不通候 水行於小腸入胞為小便腎與膀胱俱主水此二經為臟腑若內生大熱熱氣入小腸及胞胞內

熱故小便不通令小腹脹滿氣喘息也

大便不通候 三焦五臟不調和冷熱之氣結於腸胃津液竭燥大腸壅澁故大便不通張仲景云婦人經水過多亡津液者亦大便難也

大小便不利候 冷熱不調大小腸有遊氣壅在大小腸不得宣散蓄積結生熱故大小便澁不流利也

大小便不通候 腑臟不和榮衛不調陰陽不相通大小腸否結名曰閉格閉格故大小便不通自有熱結於大腸則大便不通熱結於小腸則小便不通今大小便不通者是大小二腸受客熱結聚則大小便不通此止客熱暴結非陰陽不通流故不稱閉格而直云大小便不通遺尿候腎與膀胱為表裏而俱主水腎氣通於陰而小

便水液之下行者也腎虛冷冷氣入胞胞虛冷不能制小便故遺尿

小便數候 腎與膀胱為表裏俱主於水腎氣通於陰此二經虛而有熱乘之熱則小便澁虛則小便數熱澁數也

下利候 腸胃虛弱為風邪冷熱之氣乘腸虛則泄故變為利也此下利是水穀利也熱色黃冷色白

帶利候 帶利由冷熱不調大腸虛冷熱氣客於腸間熱氣乘之則變赤冷氣乘之則變白冷熱相交則赤白相雜而連帶不止名為帶利也其狀白膿如涕而有血雜

亦有少血者如白膿涕而有赤脈如魚腦又名魚腦利**血利候** 熱乘血入於大腸為血利也血之隨氣外行經絡內通臟腑皆無滯積若冒觸勞動生於熱熱乘血散

滲入大腸腸虛相化故血利也

陰痒候 婦人陰痒是蟲食所為二虫九虫在腸胃之間

因臟虛虫動作食於陰其虫作勢微則痒重者乃痛

脫肛候 肛門大腸候也大腸虛冷其氣下衝者肛門反

出亦有因產用力勞傷氣衝其肛亦令反出也

陰腫候 陰腫者是虛損受風邪所為胞經虛而有風邪

客之風氣乘於陰與血氣相搏令氣血否滋腠理壅閉

不得泄起故令陰腫也

陰痛候 陰痛之病由胞絡傷損致臟虛受風邪而二虫

九虫因虛動作食陰則痛者其狀成瘡其風邪乘氣衝

擊而痛者無瘡但疼痛而已

陰瘡候 陰瘡者由二虫九虫動作侵食所為也諸虫在

人腸胃之間若腑臟調和血氣充實不能為害若勞傷

經絡腸胃虛損則動作侵食於陰輕者或痒或痛重者

生瘡也診其少陰之脉滑而數者陰中生瘡也

陰挺出下脫候 胞絡傷損子臟虛冷氣下衝則令陰挺

出謂之下脫亦有因產而用力偃氣而陰下脫者診其

少陰脉浮動浮則為虛動則為悸故令下脫也

陰冷候 胞絡勞傷子臟虛損風冷客之冷乘於陰故令

冷也

陰中生息肉候 此由胞絡虛損冷熱不調風邪客之邪

氣乘於陰搏於血氣變而生息肉也其狀如鼠乳

瘻候 此或因帶下或拳重或因產時用力損於胞門損

於子臟腸下衆而成瘻

痔病候 痔病由勞傷經絡而血流滲之所成也而有五種肛邊生瘡如鼠乳出在外時出膿血者牡痔也肛邊腫生瘡而出血者牡痔也肛邊生瘡癢而復痛者為血脈痔也肛邊腫核痛發寒熱而出血者腸痔也因便而清血出者血痔也

寸白候 寸白是九蟲內之一蟲也凡九蟲在入腹內居腸胃之間腑臟氣實則虫不動不為人害虛者虫便發動滋長乃至斃人又云飲白酒以桑枝貫牛肉食生栗生魚仍飲乳酪能變生寸白者也

陰臭候 陰臭由子臟有寒寒搏於津液蘊積氣衝於陰故變臭也

尿血候 血性得寒則凝得熱則流散若勞傷經絡其血

虛熱滲入胞故尿血也

大便血候 勞傷經脈則生熱熱乘於血血得熱則流散滲入於大腸故大便血也

失精候 腎與膀胱合而腎藏精若勞動膀胱傷損腎氣則表裏俱虛不收制於精故失精也

乳腫候 足陽明之經胃之脈也其直者從缺盆下於乳因勞動則腠理虛受風邪入於榮衛榮衛否決血氣不流熱結於乳故令乳腫其結腫不散則成癰

妬乳候 此由新產後兒未能飲之及飲不泄或斷兒乳捨其乳汁不盡皆令乳汁蓄結與血氣相搏即壯熱大渴引飲穿強掣痛手不得近是也初覺便以手助捨去其汁并令傍人助啣引之不尔成瘡有膿其熱勢盛則

成癰

乳癰候 腫從皮薄以澤是癰也足陽明之經脈有從缺盆下於乳者勞傷血氣其脈虛腠理虛寒客於經絡寒搏於血則血凝不通其血又歸之氣積不散故結聚成癰者癰氣不宜與血相搏則生熱熱盛乘於血血化成膿亦有因乳汁蓄結與血相搏蘊積生熱結聚而成乳癰年四十已還治之多愈年五十已上慎不當治之多死不活自當終年又懷娠發乳癰腫及體結癰此無害也兼懷胎之癰病起陽明陽明胃之脈也主肌肉不傷截故無害診其右手關上脈沈則為陰虛者則病乳癰乳癰久不瘥因變為癰養生方云熱食汗出露乳傷風喜發乳腫名吹乳因喜

作癰

發乳潰後候 此謂癰疽發於乳膿潰之後或虛憊或疼痛或渴也凡發乳潰後出膿血多則腑臟虛燥則渴而引飲飲入腸胃腸胃虛則變下利也

乳瘡候 此謂膚腠理虛有風濕之氣乘虛客之與血氣相搏而熱加之則生瘡也

疽發乳候 腫而皮強上如牛領之皮謂之疽也足陽明之脈有從缺盆下於乳者其脈虛則明理開寒氣客之寒搏於血則血凝不通故結腫而氣又歸之熱氣淳盛故成疽也熱久不散則內敗為膿也

乳結核候 足陽明之經脈有從缺盆下於乳者其經虛風冷乘之冷折於血則結腫夫腫熱則變敗血為膿冷

則核不消又重疲勞動氣而生熱亦燥燂其湯熨針石
別有正方補養宣導今附於後

養生方云踞蹠以兩手從曲脚內入搥地曲脚如其上
拳尻其可用行氣愈瘰癧乳痛交兩脚以兩手從曲脚
極挽拳十二通愈瘰癧乳痛也

石癰候 石癰之狀微強不甚大不赤微痛熱熱自歇是
足陽明之脈有下於乳者其經虛為風寒氣客之則血
波結成癰腫而寒多熱少者則無大熱但結核如石謂
之石癰

發背候 五臟不調則致疽疽者腫結皮強如牛領之皮
六腑不和則致癰癰者腫結薄以澤是也腑與臟為表
裏其經脈循行於身俞皆在背腑臟不調和而腠理開

受於風寒劫於血則結聚成腫深則為疽淺乃為癰隨
寒所客之處血則否澁不通熱又加之故成癰疽發背也
改背候 此為內癰發於背名為改背由邪氣聚在下管
與經絡血氣相搏所生也至其變敗狀如癰疽

發乳後渴候 此謂發乳膿潰之後血氣虛竭腑臟焦燥
故令渴也渴引飲不止飲入腸胃則變為下利也

發乳下利候 此謂發乳而腸胃虛受冷則下利也大腸
為金水穀之道胃為土水穀之海也金土子母而足湯
明為胃之經其脈有從缺盆下於乳者因勞傷其脈虛
而受風寒風寒搏血氣血否澁不通故結癰腫腫結皮
薄以澤者為癰而風氣乘虛入胃則水穀糟粕變敗不
結聚腸虛則泄為利金土子母俱虛故發乳而復利也

又發乳渴引飲多亦變利也

發乳久不瘥候 此謂發乳癰而有冷氣乘之故癰疽結

經久不消不潰而為冷所客則膿汁出不盡而久不瘥

發乳餘核不消候 此謂發乳之後餘熱未盡而有冷氣

乘之故餘核不消復遇熱蘊積為膿亦有淋瀝不瘥而

變為瘻也

發乳癰候 此謂因發癰瘡而膿汁未盡其瘡暴瘥則惡

重刊藥氏諸病源候總論卷之四十終

子

